



ᓄᑕᓴᑲᓄᑦ ᓄᑲᑲᓄᑦ
ᓄᑲᓴᓄᑲᓄᑦ

NUTAQQANUT INULRAMIRNNULLU
UQAQTIKHAANIK

REPRÉSENTANT DE
L'ENFANCE ET DE LA JEUNESSE

REPRESENTATIVE FOR
CHILDREN AND YOUTH

2018 Unipkaarivat, Nipit Akimanahurittunut Maliktakhauyut

Nutaqqanut Inulramirnnullu Uqaqtikhaanik Havagviat aliahuktut tuhaqtittiyumavlutik hitamauyumut ukiungani, Unipkaarivat, Nipit Akimanahurittunut! Iliharvingnit ilaupkaiyumayugut uumani ukiungani ilaulutik ilihaglutiklu nutaqqanut pilaarutikhainut.

Aullaqtirutigiyaqqut inulramminut 2015-mi – kangiqhipkaiyumavluta Nunakyuami Nutaqqanut Ublua, nutaqqanut pilaarutikhait, havagviptingnullu. Nunakyuami Nutaqqanut Ublua quviahuutigivagaat nunakyuami tikitkaangat ukiungani talvani Hikutirvia 20 sainiutigiyaat uumunga United Nations-kut *Katimakyuarutaat Pilaarutikhainut Nutaqqamut*.

2018-mi, apiqhiliqmiyugut iliharvikni igluani pisaliuqhimayamingnut tunihilutik talvani nutaqqat tamaita iliharvikmi igluangani havaqatigiiklutik piliuqlutik takunnaqtumik naunaiqidjutikhamingnut uumani ukiungani pidjutaanut!

AKIMANAHUARUTANUT PIDJUTAA 2018-MI

Uumani ukiungani pidjutaa una nutaqqanut pilaarutikhainut iliharnikkut, takunnaqtuq talvani Titiraqhimayuq 28, 29lu uvani Katimakyuarutaat Pilaarutikhainut Nutaqqamut.

Titiraqhimayuq 28 uqaqhimayuq tamaita nutaqqat pilaarutiqaqtut nakuukpiaktumik ilihaudjutikhamut. Ilihariaktuquyauyukhat nakuutqiyamut pitaaqtamingnut.

Titiraqhimayuq 29 uqaqhimayuq taimaa nutaqqap ilihaudjutikhait ikayuutigiyakhait atuqlugit ilihayuuumivallialutik inmik ayuiqhimayamingnik, pitaaqtamingniklu. Ikayurniaqtaatillu inuugiarni iqhiurnaittumik, hapummiutilugu avatinga pimmariktumiklu pilugit aallat inuit.

Naunairirumaguffi uumunga pilaarutikhamut, takulugit kangiqhidjunit naunaitkutat ikayuutikhallu titiqqat tuniyauhimayut.

AKIMANAHURITTUNUT MALIKTAUYAKHAT

1. Pigiyaqqut 2018 Unipkaat, Nipit Akimanahuridjutikhaa angmakniaqtuq talvani Tattiarnaqhilirvia 10, 2018, umikluni 5pm-mi Kivalliup Ubluqhiutaa talvani Hikutirvia 9, 2018.
2. Akimanahuarutikhaa angmaumayuq tamainnut iliharvikni igluanginnut Nunavunmi iliharviinnut ilihariaktulihaaqtunut puqtutilaanganut 12.

3. Uuktuutikhat titirauyaktakhait tunihilutik naunaiklugu pilaarutikhamut iliharnirmut.
4. Uuktuqnahuat nainaiktauyakhat katimayiinnit RCYO-kuni havaktiinnit ilauyunit titirauyattiarutainut, inmikkut pihimayainut, qanuqlu nutaqqap pilaarutait iliharnikkut naunaiqhimayaakhaa.
5. Piyakhani atauhiinnaq inmingnik uuktuqtunit atauhiqmit iliharvikmi igluanganit.
6. Auladjutinut pidjutikhaanut, iliharvikmi igluangani ilihaiyit tunihiyukhat uuktuutikhaq pidjutigilugu inmik iliharvikmi igluarmingnit.
7. Uuktuutit tuyuktauyukhaq qaritauyakkut titiqqilutik talvunga contact@rcynu.ca ukuningalu piqaqtukhaq:
 - nunallaap atia
 - iliharviup atia
 - iliharvikmi igluangata puqtuqilaanga
 - ilihaiyip atia, hivayautaa, qaritauyakkut titiqqivialu
 - atiit tamaita ilihaqtut ilauyunut, unalu
 - nakuutqiyaaq piksaliuqhimayuq uuktuutikhamut (uuminga JPG uumingaluunniit PNG tutquumaviit)
8. Uuktuutit piyauyukhat RCYO-kunit talvunga contact@rcynu.ca qaangiktinnagu 5pm-mi Kivalliup Ublukhiutaanut talvani Tallimmiut, Hikutirvia 9, 2018.
9. Ilihaiyit akimayunit uuktuqtunit apiqhuqtauniaqtut sainiqhilutik angirutikhamik nuutirianganit piliuqtauhimayumut naunaitkutaanut itquumadjutaa havagviptingnut. Piksaliuqhimayut akimayunik uuktuqtunit aallanut takupkaiyukhat qaritauyakkut takuyakturviani pigiyaptingnullu ukiunganut unnirutaani.

AKIMAYUNUT TAKTAKHAINULLU

Akimanahurittuni akimayut naunaiktitauniaqtut RCYO-kunit talvani 20, 2018, Nunakyuami Nutaqqanut Ublua. Atauhiq taktakhaq aittuqtauniaqtuq tamainnut akimayukhanut naunaiqhimayunut ataani. Tamaita akimayut iliharvikmi igluanganit piniaqtut taktakhamik akitutqiyaungittumik \$500-mik ihumaliurutauniaqhuni iliharvikmi igluanganit RCYO-kunillu.

- Ilihalihaliqtunit puqtutilanganut 3
- Puqtutilaanga 4-mit Puqtutilaanganut 7-mut
- Puqtutilaanganit 8-mit Puqtutilaanganut 12-mut

APIQHUUTIKHAT

Apiqhuutiqtaruvit akimanahuarutininut ukunungaluunniit nutaqqanut pilaarutikhainut, uqaqvigilugq havagvikput hivayarvigilugit talvunga **1-855-449-8118** (akiligakhaittumut) uumungaluunniit **867-975-5090** (lqalungni) qaritauyakkut titiqqivigilutaluunniit talvunga contact@rcynu.ca.